

MAHATHIR-PELADANG

(1)

1980

SEOUL, 7 OKT (BERNAMA) — MALAYSIA AKAN MENGHANTAR PARA PEGAWAINYA KE KOREA SELATAN UNTUK MENGAJI KEMUNGKINAN MEMPERKENALKAN CARA-CARA PERTANIAN DAN PEMBANGUNAN LUAR BANDAR NEGARA ITU DALAM USAHA MENGEMASKAN SEKTOR PERTANIAN MALAYSIA, KATA DATUK SERI DR. MAHATHIR HARI INI.

TIMBALAN PERDANA MENTERI BERKATA BELIAU SANGAT TERTARIK HATI DENGAN CARA PARA PELADANG KECIL KOREA DIGALAKKAN MENJADI KUMPULAN YANG PRODUKTIF DAN BERUPAYA MEMPEROLEH PENDAPATAN YANG LUMAYAN.

KATA BELIAU MENERUSI PERTANIAN SECARA BERKELUMPUK DAN PENUBUHAN INDUSTRI-INDUSTRI KECIL. PARA PELADANG ITU TELAH MENCAPAI

KEJAYAAN SEHINGGA PENDAPATAN LUAR BANDAR DI KOREA TELAH MELEBIHI PENDAPATAN DI BANDAR.

+KITA PERLU MENYUSUN SEKTOR PERTANIAN TRADISIONAL KITA SEPERTI ITU, + KATANYA.

DATUK SERI DR. MAHATHIR, YANG DALAM LAWATAN RASMI KE REPABLIK KOREA, BERKATA BELIAU TIDAK NAMPAK BANYAK MASALAH DALAM MEMPERKENALKAN CARA PERTANIAN TERSEBUT YANG DIPELAJARI DARI MALAYSIA SENDIRI SEMASA LAWATAN MENDIANG PRESIDEN, CHUNG HEE PARK KE MALAYSIA BEBERAPA TAHUN LALU.

DI KOREA CARA PERTANIAN ITU DIKENALI SEBAGAI +SAEMUL UNDONG+ DENGAN MANA PARA PELADANG DIKUMPULKAN DAN TANAH-TANAH MEREKA DISATUKAN MENJADI LADANG BESAR UNTUK MEMUDAHKAN USAHA PERTANIAN. — BERSAMBUNG 2017/ZCM

B612:

MAHATHIR-PELADANG 2 SEOUL

MEREKA JUGA MELIBATKAN DIRI DALAM INDUSTRI-INDUSTRI KECIL UNTUK MENAMBAH PENDAPATAN.

BELIAU BERKATA PERTANIAN SECARA BERKELUMPUK DENGAN CARA-CARA YANG SAMA TELAH DIJALANKAN DI ASSAM JAWA, KEDAH DENGAN MENYATUKAN KERUN-KEBUN KECIL UNTUK MEMBOLEHKAN PERTANIAN MENGGUNAKAN JENTERA.

+JIKA INI BERJAYA, PELADANG-PELADANG MALAYSIA AKAN DAPAT MENIKMATI KEHIDUPAN YANG LEBIH BAIK, + TAMBAH BELIAU.

DATUK SERI DR. MAHATHIR BERKATA DENGAN BANTUAN KERAJAAN, PELADANG-PELADANG KECIL BOLEH DIKUMPULKAN MENJADI MASYARAKAT PERTANIAN YANG LEBIH BERKESAN SUPAYA DAPAT DISALURKAN KEMUDAHAN-KEMUDAHAN ASAS KEPADA MEREKA.

TETAPI JIKA MEREKA MAHU TERUS BERSENDIRIAN ADALAH SUSAH BAGI KERAJAAN UNTUK MENOLONG MEREKA, KATANYA.

BELIAU JUGA BERKATA PARA PEMIMPIN KOREA YANG BARU BERMINAT UNTUK BERKERJASAMA DENGAN MALAYSIA TERUTAMA DALAM PEMBANGUNAN, PERDAGANGAN DAN PERINDUSTRIAN.

DATUK SERI DR. MAHATHIR BERKATA DALAM RUNDINGAN-RUNDINGANNYA DENGAN PARA PEMIMPIN NEGARA ITU, BELIAU NAMPAK MEREKA SANGGUP-SANGGUP INGIN MEMUPUK PERTALIAN ERAT DALAM BIDANG TERSEBUT.

PETANG INI, DATUK SERI DR. MAHATHIR MENGUNJUNGI PERDANA MENTERI KOREA, ENCIK NAM DUCK WOO. — BERNAMA 2022/ZCM

69